

M020: Münchener Ausfahrtsegen

- 0,1 ich slief mir hiute suoze
0,2 dâ ze mînes trehtînes vûezen
0,3 daz heilige himelkint
0,4 daz sî hiute mîn vrideschilt
0,5 daz heilic himelkint bat mich hiute ûf stân .
0,6 in des namen genâde wile ich hiute ûf gân .
0,7 unde wile mich hiute gûrten
0,8 in des heiligen gotes worten
0,9 daz mir allez daz holt sî
0,10 daz in dem himel sî
0,11 diu sunne unde der mâne
0,12 unde der tagedesterne schoene
0,13 mînes gemüetes bin ich hiute balt .
0,14 hiute springe ich hêrre in dînen gewalt
0,15 sante Marîen lîchhemede
0,16 daz sî hiute mîn vridehemede
0,17 aller mîner vîende gewæfen
0,18 diu ligen hiute . unde slâfen .
0,19 unde sîn hiute alsô bûlwesse
0,20 als wære mîner vrouwen sante Marîen vahs
0,21 dô si den heiligen Christum gebære .
0,22 unde doch ein reiniu meit wære .
0,23 mîn houbet sî mir hiute stælin
0,24 decheiner slahte wâfen snîde dâr in .
0,25 mîn swert eine
0,26 wile ich von den segene scheiden
0,27 daz snîde unde bîze
0,28 allez daz ich ez heize
0,29 von mînen handen
0,30 unde von niemanne andern .
0,31 der heilic himeltrût
0,32 der sî hiute mîn halsberc guot âmen .
0,33 in nomine domini nostri Jesu Christi qui est dictus mirabili
0,34 nomine tetragrammaton et in nomine spiritus sancti .
0,35 in des namen êre den ich genant hân
0,36 unde in des genâde ich hiute gân
0,37 diu wort sîn mir gewære unde veste
0,38 als unserem hêrren

0,39 dem almehtigen gote wære
0,40 diu toufe unde daz wizzôt
0,41 mit dem selben segene
0,42 dâ mit diu toufe unde der kreseme
0,43 unde daz wizzôt würde gesegenet .
0,44 dâ sî ich hiute mit gesegenet .
0,45 vore viuwer und vore wâge .
0,46 vore aller slahte wâfenen
0,47 vore houbethaftigen sünden
0,48 vore werltlichen schanden .
0,49 vore unrehtem tôde
0,50 miserere nobis
0,51 âmen alsô sî daz wâr als daz unser hêrre got von sante Marien mit wesende
geboren wart âmen .